

影印
文淵閣

四庫全書

影印

文淵閣四庫全書

第四四一冊

北京出版集團公司
北京出版社

本冊目次

歷代名臣奏議(九)

明 楊士奇等奉敕編……一

欽定四庫全書

史部

歷代名臣奏議卷二百八十三

詳校官編修_臣周瓊

編修_臣裴謙慶勛

總校官編修_臣王燕緒

校對官庶吉士_臣侍朝

膳錄監生_臣段文新

欽定四庫全書

歷代名臣奏議卷二百八十三

明 楊士奇等 撰

褒贈

漢成帝時梅福以為宜建三統封孔子之世以為殷後乃
上書曰臣聞不在其位不謀其政政者職也位卑而言高
者罪也越職觸罪危言世患雖伏質橫分臣之願也守職
不言沒齒身全死之日尸未腐而名滅雖有景公之位伏櫪

欽定四庫全書

歷代名臣奏議
卷二百八十三

千駟臣不貪也故願一登文石之陛涉赤墀之塗當戶牖之
法坐盡平生之愚慮亡益於時有遺於世此臣寢所以不安
食所以忘味也願陛下深省臣言臣聞存人所以自立也墜
人所以自塞也善惡之報各如其事昔者秦滅二周夷六國
隱士不顯佚民不舉絕三統滅天道是以身危子殺厥孫不
嗣所謂墜人以自塞者也故武王克殷未下車存五帝之後
封殷於宋紹夏於杞明著三統示不獨有也是以姬姓半天
下遷廟之主流出於戶所謂存人以自立者也今成湯不祀

殷人亡後陛下繼嗣久微殆為此也春秋經曰宋殺其大夫穀梁傳曰其不稱名姓以其在祖位尊之也此言孔子故殷後也雖不正統封其子孫以為殷後禮亦宜之何者諸侯奪宗聖庶奪適傳曰賢者子孫宜有土而況聖人又殷之後哉昔成王以諸侯禮葬周公而皇天動威雷風著災今仲尼之廟不出闕里孔氏子孫不免編戶以聖人而歆匹夫之祀非皇天之意也今陛下誠能據仲尼之素功以封其子孫則國家必獲其福又陛下之名與天亡極何者追聖人素功封其子孫未有法也後聖必以為則不滅之名可不勉哉

欽定四庫全書

歷代名臣奏議
卷二百八十三

谷永上疏曰臣聞聖主尊師傅褒賢雋顯有功生則致其爵祿死則異其禮謚昔周公薨成王葬以變禮而當天心公叔文子卒衛侯加以美謚著為後法近事大司空朱邑右扶風翁歸德茂天年孝宣皇帝愍冊厚賜贊命之臣靡不激揚關內侯鄭寬中有顏子之美質包商偃之文學嚴然總五經之眇論立師傅之顯位入則鄉

唐虞之閎道王法納乎聖聽出則參冢宰之重職功列施乎政事退食自公私門不開散賜九族田畝不益德配周召忠合羔羊未得登司徒有家臣卒然早終尤可悼痛臣愚以為宜加其葬禮賜之令謚以章尊師褒賢顯功之德上弔贈寬中甚厚

欽定四庫全書

歷代名臣奏議
卷二百八十三

蜀後主時皆隆乞立諸葛亮廟表曰臣聞周人懷召伯之德甘棠為之不伐越王思范蠡之功鑄金以存其像自漢興以來小善小德而圖形立廟者多矣況亮德範遐邇勲蓋季世興王室之不壞實斯人之是賴而烝嘗止於私門廟像闕而莫立使百姓巷祭戎夷野祀非所以存德念功述追在昔者也今若盡順民心則瀆而無典建之京師又偏宗廟此聖懷所以懷疑也臣愚以為宜因近其墓立之於沔陽使所親屬以時賜祭凡其臣故吏欲奉祠者皆限至廟斷其私祀以崇正禮
晉武帝太康中議郎段灼上疏追理鄧艾曰故征西將軍鄧艾心懷至忠而荷反逆之名平定巴蜀而受三族

之誅臣竊悼之惜哉言艾之反也以艾性剛急矜功伐善而不能協同朋類輕犯雅俗失君子之心故莫肯理之臣敢昧死言艾所以不反之狀艾本屯田掌犢人宣皇帝拔之於農吏之中顯之於宰府之職處內外之官據文武之任所在輒有名績固足以明宣皇帝之知人矣會值洮西之役官兵失利刺史王經困於圍城之中當爾之時二州危懼隴右慄慄幾非國家之有也先帝以為深憂重慮思惟可以安邊殺敵莫賢於艾故授之

欽定四庫全書

歷代名臣奏議
卷二百八十三

四

以兵馬解狄道之圍圍解留屯上邽承官軍大敗之後士卒破膽將吏無氣倉庫空虛器械殫盡艾欲積穀彊兵以待有事是歲少雨又為區種之法手執耒耜率先將士所統萬數而身不離僕虜之勞親執士卒之役故落門段谷之戰能以少擊多摧破彊賊斬首萬計遂委艾以廟勝成圖指授長策艾受命忘身龍驤麟振前無堅敵蜀地險阻山高谷深而艾步乘不滿二萬束馬懸車自投死地勇氣凌雲將士乘勢故能使劉禪震怖君

臣面縛軍不踰時而巴蜀蕩定此又固足以彰先帝之善任矣艾功名已成亦當書之竹帛傳祚萬世七十老公復何所求哉艾以禪初降遠郡未附矯令承制權安社稷雖違常科有合古義原心定罪事可詳論故鎮西將軍鍾會吞天下之心恐艾威名知必不同因其疑似構成其事艾被詔書即遣強兵束身就縛不敢顧望誠自知奉見先帝必無當死之理也會受誅之後艾叅佐官屬部曲將吏愚戇相聚自共追艾破壞檻車解其

欽定四庫全書

歷代名臣奏議
卷二百八十三

五

囚執艾在困地是以狼狽失據夫反非小事若懷惡心即當謀及豪傑然後乃能興動大眾不聞艾有腹心一人臨死口無惡言獨受腹背之誅豈不哀哉故見之者垂涕聞之者歎息此賈誼所以慷慨於漢文天下之事可為痛哭者良有以也陛下龍興闡弘大度受誅之家不拘叙用聽艾立後祭祀不絕昔秦人憐白起之無罪吳人傷子胥之冤酷皆為之立祠天下之人為艾悼心痛恨亦由是也謂可聽艾門生故吏收艾屍柩歸葬舊

墓還其田宅以平蜀之功繼封其後使艾闔棺定諡死無所恨赦冤魂於黃泉收信義於後世則天下徇名之士思立功之臣必投湯火樂為陛下死矣帝省表甚嘉其意

惠帝時趙王倫誅解系并戮其妻子後齊王冏起義時以裴解為冤首倫秀既誅冏乃奏曰臣聞興微繼絕聖主之高政貶惡嘉善春秋之美談是以武王封比干之墓表商容之閭誠幽明之故有以相通也孫秀逆亂滅

欽定四庫全書

歷代名臣奏議
卷二百八十三

六

佐命之國誅骨鯁之臣以斲喪王室肆其虐戾功臣之後多見泯滅至如張華裴頠各以見憚取誅於時系結同以羔羊被害歐陽建等無罪而死百姓憐之陛下更日月之光照布惟新之明命然此等未蒙恩理昔藥卻降在皂隸而春秋傳其人幽王絕功臣之後棄賢者子孫而詩人以為刺臣備忝右職思竭股肱獻納愚誠若合聖意可羣官通議八坐議以系等清公正直為奸邪所疾無罪橫戮冤痛已甚如大司馬所啟彰明枉直顯

宣當否使冤魂無愧無恨為恩大矣永寧二年追贈光祿大夫改葬加弔祭焉

蕩陰之役侍中嵇紹為亂兵所害征虜將軍司馬王接議曰夫謀人之軍軍敗則死之謀人之國國危則亡之古之道也蕩陰之役百官奔北唯嵇紹守職以遇不道可謂臣矣又可稱痛矣今山東方欲大舉宜明高節以號令天下依春秋褒三累之義加紹致命之賞則遐邇向風莫敢不肅矣朝廷從之

欽定四庫全書

歷代名臣奏議
卷二百八十三

七

東晉元帝時周札一門五侯王敦憚之遣叅軍賀鸞盡掩殺札兄弟及敦死札等故吏並詣闕訟周氏之冤宜加贈諡事下八坐尚書卞壺議以札石頭之役開門延寇遂使賊敦恣亂札之責也追贈意所未安懋筵兄弟宜復本位司徒王導議以札在石頭忠存社稷義在亡身至於往年之事自臣等有識以上與札情豈有異此言實貫於聖鑒論者見姦逆既彰便欲徵往年已有不臣之漸即復使爾要當時衆所未悟其姦萌札與臣等

便以身許國死而後已。札亦尋取梟夷。朝廷檄命既下。大事既定。便正以為逆黨。邪正失所。進退無據。誠國體所宜深惜。臣謂宜與周顗、戴若思等同例。尚書令郗鑒議曰：「夫褒貶臧否。宜令體明例通。今周戴以死節復位。周札以開門同例。事異賞均。意所疑惑。」如司徒議。謂往年之事。自有識以上。皆與札不異。此為邪正坦然有在。昔宋文失禮。華樂荷不臣之罰。齊靈嬖孽。高厚有從昏之戮。以古況今。譙王周戴宜受若此之責。何如贈復位。

欽定四庫全書

歷代名臣奏議
卷二百八十三

八

之有乎。今據已顯。復則札宜貶責明矣。導重議曰：「省令君議必札之開門與譙王周戴異。今札開門直出風言。竟實事邪。便以風言定褒貶。意莫若原情考徵也。論者謂札知隗協亂政。信敦匡救。苟匡救信姦佞。除即所謂流四凶族以隆人主。巍巍之功耳。如此札所以忠於社稷也。後敦悖謬。出所不圖。札亦闔門不同。以此滅族。是其死於為義也。夫信敦當時之匡救。不圖將來之大逆。惡隗協之亂政。不失為臣之貞節者。於時朝士豈惟周

札邪。若盡謂不忠。懼有誣乎。譙王周戴各以死衛國。斯亦人臣之節也。但所見有同異。然期之於必忠。故宜申明耳。即如今君議宋華、齊高其在隗協矣。昔子糾之難。召忽死之。管仲不死。若以死為賢。則管仲當貶。若以不死為賢。則召忽死為失先典。何以兩通之。明為忠之情。同也。死雖是忠之一節。亦不必為忠。皆當死也。漢祖遺約。非劉氏不王。非功臣不侯。違命天下共誅之。後呂后侯諸呂。周勃從之王陵。廷爭可不謂忠乎。周勃誅呂。尊

欽定四庫全書

歷代名臣奏議
卷二百八十三

九

王安漢社稷。忠莫尚焉。則王陵又何足言。而前史兩為美談。固知死與不死爭與不爭。苟原情盡意。不可定於一槩也。且札闔棺定諡。違逆黨順。受戮凶邪。不負忠義明矣。鑒又駁不同。而朝廷竟從導議。

成帝時。蘇峻之難。光祿大夫散騎常侍卞壹率勵散衆。及左右吏數百人與賊苦戰死之。二子眈眈見父歿。相隨赴賊。同時見害。峻平。朝議贈壹左光祿大夫。加散騎常侍。尚書郎弘訥議以為死事之臣。古今所重。卞令忠

+

吐

1500 - 史 - 0441 - 0006

識理淹長風流雅勝聲蓋當時再臨神州萬里肅清勲績茂著聖朝欽嘉遂授分陝推轂之任戎旌旣建出鎮壽陽驅其豺狼翦其荆棘收羅向義廣開屯田沐雨栴風等勤臺僕仰憑皇威羣醜革面進軍河洛脩復園陵不虞之變中路倡蹶遂令為山之功崩於垂成忠款之志於是而廢既受削黜自擯山海杜門終身與世兩絕可謂克已復禮窮而無怨者也尋浩所犯蓋負敗之常科非即情之永責論其名德深誠則如彼察其補過罪

欽定四庫全書

歷代名臣奏議
卷二百八十三

十三

已則如此豈可棄而不悉法有餘寬方今宅兆已成埏隧已開懸棺而窆禮同庶人存亡有非命之分九泉無自訴之期仰感三良昊天罔極若使明詔爰發旌我善人崇復本官遠彰幽昧斯則國家威恩有兼濟之美死而可作無負心之恨疏奏詔追復浩本官

武帝初吉挹為魏興太守苻堅將韋鍾數攻魏興挹屢敗之後賊衆繼至挹力不能支城陷被執不屈而死車騎將軍桓冲上言曰故輕車將軍魏興挹祖朗西臺傾

覆隕身守節挹世篤忠孝乃心本朝臣亡兄溫昔伐咸陽軍次灊水挹攜將二弟單馬來奔錄其此誠仍加擢授自新野太守轉在魏興久處兵任委以邊戍疆場歸懷著稱所蒞前年狡氏縱逸浮河而下挹孤城獨立衆無一旅外推凶銳內固津要虜賊舟船俘馘千計而賊并力攻圍經歷時月會襄陽失守邊情沮喪如衆寡勢殊以至陷沒挹辭氣慷慨志在不辱杖刃推戈期之以隕將吏持守用不即斃遂乃杜口無言絕粒而死挹叅

欽定四庫全書

歷代名臣奏議
卷二百八十三

十三

軍史穎近於賊中得還齋挹臨終手疏并具說意狀挹之忠志猶在可錄若蒙天施垂曲宥之恩則榮加枯朽惠隆泉壤矣帝嘉之追贈益州刺史

武帝太元中封羊祜兄玄孫之子法興為鉅平侯邑五千戶以桓玄黨誅國除尚書祠部郎荀伯子上表訟之曰臣聞咎繇無嗣臧文以為深嘆伯氏奪邑管仲所以稱仁功高可百世不泯濫賞無得崇朝故太傅鉅平侯羊祜明德通賢國之宗主勲參佐命功成平吳而後嗣

闕然。丞嘗莫寄漢以蕭何元功故絕世。輒繼愚謂鉅平之封宜同鄼國。故太尉廣陵公。新準黨翼賊倫禍加淮。南因逆為利。竊饗大邦。值西朝政刑失裁。中興因而不奪。今王道維新。豈可不大判臧否。謂廣陵國宜在削除。故太保衛瓘。本爵菑陽縣公。既被橫害。乃進茅土。始贈蘭陵。又轉江夏。中朝名臣。多非理終。瓘功德無殊。而獨受偏賞。謂宜罷其郡封。復邑菑陽。則與奪有倫。善惡分矣。竟寢不報。

欽定四庫全書

歷代名臣奏議
卷二百八十三

十四

王敦之難。刁協死。敦平周顗。戴若思等皆被顯贈。惟協以出奔不在其例。咸康中。協子彝上疏訟之。在位者多以明帝之世。褒貶已定。非所得更議。且協不能抗節。隕身。乃出奔遇害。不可復其官爵也。丹陽尹殷融議曰。王敦惡逆罪不容誅。則協之善亦不容賞。若以忠非良。圖謀事失算。以此為責者。蓋此於譏議之間耳。即凶殘之誅。以為國刑。將何以沮勸乎。當敦專逼之時。慶賞威刑。專自己出。是以元帝慮深。崇本以協為比。事由國計。蓋

不為私。昔孔寧儀行。父從君於昏。楚復其位者。君之黨故也。況協之比君在於義順。且中興四佐。位為朝首。于時事窮計屈。奉命違寇。非謂逃刑。謂宜顯贈。以明忠義。恭帝時。傅季友代宋國公劉裕作求加贈劉穆之表曰。臣聞崇賢旌善。王化所先。念功簡勞。義深追遠。故司勳秉策在勤。必記德之休明。沒而彌著。故尚書左僕射前軍將軍臣劉穆之。爰自布衣。協佐義始。內竭謀猷。外勤庶政。密勿軍國。心力俱盡。及登庸朝右。尹司京畿。數讚百揆。翼新大猷。頃戎車遠役。居中作捍。撫寧之勲。實洽朝野。識量局致。棟幹之器也。方宣讚盛。化緝隆聖。世志績未究。遠邇悵心。皇恩褒述。班同三事。榮哀既備。寵靈已泰。臣伏思尋自義熙草創。艱患未弭。外虞既殷。內難亦洊。時屯世故。靡有寧歲。臣以寡劣。負荷國重。實賴穆之匡翼之勲。豈唯謹言嘉謀。溢于民聽。若乃忠規密謨。潛慮帷幕。造膝詭辭。莫見其際。事隔於皇朝。功隱於視聽者。不可勝記。所以陳力一紀。遂克有成。出征入輔。幸

欽定四庫全書

歷代名臣奏議
卷二百八十三

十五

不辱命微夫人之左右未有寧濟其事者履謙居寡守之彌固每議及封爵輒深自抑絕所以勲高當年而茅土弗及撫事永念胡寧可昧謂宜加贈正司追甄土宇俾忠貞之烈不泯於身後大賚所及永秩於善人臣契闊屯夷旋觀終始金蘭之分義深情感是以獻其乃懷布之朝聽所啟上合請付外詳議

齊高帝建元初故宋建平王景素秀才劉璉上書曰臣聞曾子孝於其親而沈乎水介生忠於其主而焚於火

欽定四庫全書

歷代名臣奏議
卷二百八十三

十六

何則仁也不必可依信也不必可恃昔者墨翟議雲梯於荆臺之下宋人逐之夷叔為衛君隱難於晉公子瑋之李牧北折龍庭之旗南拒全秦之卒趙君不圖其功賜以利劍陳蕃白首固義忘生事主漢靈不明其忠卒被刑戮彼數子者皆身栖青雲之上而困於泥塵之裏誠以危行不容於衰世孤立聚尤於衆人加讒諂蛆蠱其中謗隙蜂飛而至故也臣聞浸潤之行骨肉離絕疑似一至君臣易心此中山所以歎歎奏樂孟博所以慷

慨囊頭者也臣每惟故舉將宋建平王之禍悲徹骨髓氣凝霜霰今旋鼎啟運人神改物生罪尚有死寃必申臣誠不忍王之負謗而不雪故敢明言其理臣聞孝弟為志者不以犯上曾子不逆薪而饜知其不為暴也秦仁獲慶知其可為傳也臣聞王之事獻太妃也朝夕不違養甘苦不見色帳下進珍饌太妃未食王投箸輟飯太妃起居有不安王傍行蓬髮臣聞求忠臣者於孝子

之門安有孝如王而不忠者乎其可明一也當秦始皇元

欽定四庫全書

歷代名臣奏議
卷二百八十三

十七

徵中王公貴人無謁景寧陵者王獨抗情而行不以趨時捨義出鎮入朝必俛拜陵所王尚不棄先君豈背今君乎其可明二也王博聞而容衆與諫而愛士與人言响响若有傷聞人之善譽而進之見人之惡掩而誨之李蔚之蓬蘆之寒素也王枉駕而訊之何季穆等宣簡王之舅也王提挈以升之王虛己以厚天下之士尚不欲傷一人之心何乃親戚圖相菹膾乎其可明三也臣昔以法曹參軍奉詔於聽朝之末王每斷獄降聲辭和

顏色以待士女之訟時見夏伯以童子縲繫王愴然改貌用不加刑徐州嘗歲飢王散秩粟俸帛以繼民之乏蠲理冤疑咸息繇務所在皆有愛於民臣聞善人國之紀也安有仁於民庶而虐其宗國者乎其可明四也王脩身潔行言無近雜內去聲酌之娛外無田弋之好每所臨踐不加穿築直衛不繁第宅無改荊州高齋刻楹柏構王廢而不處昔朝廷欲賜王東陵甲第又辭而不當兩宮所遺珍玩塵於筥篋無他嬖私不眈內寵姬嬙

欽定四庫全書

歷代名臣奏議
卷二百八十三

十八

數人皆詔令所賜王身食不踰一肉器用瓦素時有獻鏤玉器王顧謂何昌寓曰我持此安所用哉乃謝而反之王恭已蹈義若此其可明五也王之在荊州也時獻太妃初薨宋明帝新棄天下京畿諸王又相繼非命王乃徵入為太常楚下人士並勸勿下王謂為臣而距先皇之命不忠為子不奉親之寃宐不孝於是棄西州之重而匍伏北闕王若志欲倔彊便應高枕江漢何為屈折而受制於人乎其可明六也王名高海內義重太山

者幼懷仁士庶慕德故從昏者忌明同枉者毀正搦弦為鉤張一作百行生欬嚏皆生風塵會王季符負羣流謗事會讒人之心權醜相扇鳴梟奮翼王雖遘愆離凶而誠分彌欵散情中孚揮席滿素虞玩之銜使歸旋世子入質京邑續解徐州請身東第後求會稽降階外撫虞玩殷煥實為詮譯誠心殷勤備留聖聽王若俯張跋扈何事若斯其可明七也自是以後日同殊論蒼梧之衰德既彰羣小之姦慝彌廣下盈其毒上不可依時長

欽定四庫全書

歷代名臣奏議
卷二百八十三

十九

王竝見誅鋤公卿如蹈虎尾衆人翕翕莫不注仰於王廂閣諸人同謀異志王心不從利忠不肯本執周天賜而斬之以距王宜與等遣司馬孫謙歸欵朝廷王若欲擬非覲寧當如此乎其可明八也又是年五月以後道路皆謂阮佃夫等欲潛圖宮禁因兵北襲而黃回高道慶等傳構其事武人獎亂更相恐脅至六月而京師徵賦車徒將講衆北壘都鄙疑駭僉言釁作垣祗祖因民情囂蕩揚聲北奔紿辭惑衆窮亂極禍會州人自都還

掖門已閉殊不知臺中安不王既素籍異論謂為信然收率疲弱志在投散冰炭在懷但恐遲後何圖兵以順出翻為逆動乎夫往來之人諠譁幻惑皆出輦轂非從徐州起也且臺以六月晦夜無何呼北兵以至皆登陴抽刃而朱方七月朔猶緩帶從容其晚聞哀都變亂始乃鳩兵簡甲耳王豈先造禍哉其可明九也王聞京室有難坐不安食不甘言及太后未嘗不交巾掩泣又臨危之際撫檻而嘆曰吾恐三才於斯絕矣茲豈不誠在

欽定四庫全書

歷代名臣奏議
卷二百八十三

三

本朝以天下為憂乎自非深忠遠槩孰能身滅之不恤獨眷眷國家安危哉其可明十也夫王起兵之日止在匡救昏難放殛姦盜非他故也請較言之當時君臣之道若亂云何楊運長阮佃夫為有臯邪為無臯邪若其無臯何故為戮若其有臯討之何辜王豈不知君親之無將乎顧以救火之家豈遑先白丈人非不恭也徒以運屬陵喪智力無所用之蹉跎傾覆此乃時也豈謂反乎果然今日王亡明日宋亡王何負於社稷何媿於天

下哉臣聞武王克商未及下車而封王子之墓漢高定天下過大梁躡燕代脩信陵之祀存望諸之裔晉世受命亦追王陵之寃而詔其孫為郎夫比干殷辛之罪人也無忌魏之疑臣也樂毅燕之逃將也彥雲齊之賊而晉害也適逢聖明之君革運創制昭功誠蕩嫌怨請議天下之善也或殊世而相明故四賢咸濟其令問三后馳光於萬葉君子榮其輝小人服其義今陛下尊英雄之高軌振逸世之奇聲何至仍衰世之異議以掩賢人之名哉若王之中外不明終始蹈德臣懼方今之人不復為善矣且世之興衰何代無有今齊苗裔萬世之後其能無污隆乎苟前良可廢何以勸後之能者伏願上同周漢西晉之如彼下為來胤垂範之如此倘能降明詔踐枉道使往王得洗謗議拯冥魂賜以王禮反葬則民之從義猶若回風之卷草也臣聞鸛鳴臯垤則降陰吐雨騰蛇聳躍而沆雲鬱冥但傷臣言輕落毛身如橫芥神高聽邈終焉莫省直欲內不負心庶將來知王之

欽定四庫全書

歷代名臣奏議
卷二百八十三

三

意耳

明帝建武中任昉代范雲作表求立太宰竟陵王子良碑曰臣雲言原夫存樹風猷沒著微烈既絕故老之口必資不刊之書而藏諸名山則陵谷遷貿府之延閣則青編落簡然則配天之迹存乎泗水之上素王之道紀於沂川之側由是崇師之義擬迹於西河尊主之情致之於堯禹故精廬妄啟必窮鐫勒之盛君長一城亦盡刊刻之美况乎甄陶周召孕育伊顏故太宰竟陵文宣

欽定四庫全書

歷代名臣奏議
卷一百八十三

三

王臣某與存與亡則義形社稷嚴天配帝則周公其人體國端朝出藩入守進思必告之道退無苟利之專五教以倫百揆時序若夫一言一行盛德之風琴書藝業述作之茂道非兼濟事止樂善亦無得而稱焉人之云亡忽移歲序鴟鴞東徙松楸成行六府臣僚三藩士女人蓄油素家懷鉛筆瞻彼景山徒然望慕昔晉氏初禁立碑魏舒之亡亦從班列而阮略既泯故首冒嚴科為之者竟免刑戮置之者反蒙嘉歎至於道被如仁功叅

微管本宜在常均之外故太宰淵丞相疑親賢並軌即為成規乞依二公前例賜許刊立寧容使長想九原樵蘇罔識其禁駐蹕長陵輜軒不知所適臣里閭孤賤才無可甄值齊網之弘弛賓客之禁策名委質忽焉二紀慮先犬馬厚恩不答而弊帷毀蓋未蔕螻蟻珠襦玉匣遽飾幽泉陛下弘獎名教不隔微物使臣得駿奔南浦長號北陵既曲逢前施實仰覲後澤倘錄杜預山頂之言庶存馬駿必拜之感臨表悲懼言不自宣

欽定四庫全書

歷代名臣奏議
卷一百八十三

三

後魏孝文帝太和中著作佐郎成淹上表曰臣聞經疆啟宇實良將之功褒德酬庸乃聖王之務昔姜公杖鉞開隆周之基韓生秉旄興鴻漢之業故能賞超當時名垂前史若閭外功成而流言內作人主猜疑良將懷懼樂毅所以背燕章邯所以奔楚至如鄧艾懷忠矯命寧國赤心皎然幽顯同見而橫受屠戮良可悲哀及士治伐吳奮不顧命萬里浮江應機直指使孫皓君臣輿觀入洛大功亦舉讒書驟至內外唱和具錦將成微晉武

之鑒亦幾於顛沛矣每覽其事常為痛心聖主明王固宜深察臣伏見故征南大將軍開府儀同三司青州刺史濟南王慕容白曜祖父相資世苗東裔值皇運廓被委節臣妾白曜生長王國飲服道教爵列上階位登帝伯至天安初江陰夷楚敢拒王命三方阻兵連城岳峙海岱蒼生翹首拯援聖朝乃眷南顧思救荒黎大議廟堂顯舉元將百寮同音僉曰惟允遂推轂委誠授以專征之任握兵十萬杖鉞一方威陵河濟則淮徐震懼師

欽定四庫全書

歷代名臣奏議
卷二百八十三

十四

出無鹽而申纂授首濟北太原同時消潰麋溝垣苗相尋奔走及回麾東掃道固銜壁盤陽梁鄒肉袒請命于時東陽未平人懷去就沈文靜高崇仁擁衆不朝扇擾邊服崔僧祐蓋次陽陳顯達連兵淮海水陸鋒起揚旌而至規援青齊士民怵莫不南顧時兵役既久咸有歸心而白曜外宣皇風內盡方畧身擐甲胄與士卒同安撫初附示以恩厚三軍懷挾纘之溫新民欣來蘇之澤遂使僧祐擁徒弭旆効順軍門文靜崇仁棄城竄海

次陽顯達望塵南奔聲震江吳風偃荆漢及青州剋平文秀面縛海波清靜三齊克定逖彼東南永為國有使天府納六州之貢濟泗息烽警之虞開岱宗封禪之畧闢山川望秩之序斯誠宗廟之靈神筭所授然抑亦白曜與有力矣及氛翳既靜爵命亦隆榮燭當時聲譽日遠而民惡其上妄生尤隙因其功高流言惑聽巧偽亂真朱紫難辨傷夷未瘳合門屠戮鴻勳盛德蔑爾無聞有識之徒能不悽愴臣謂白曜策名王庭累荷榮授歷

欽定四庫全書

歷代名臣奏議
卷二百八十三

十五

司出內世載忠美秉鉞啟蕃折衝敵國開疆千里拔城十二辛勤於戎旅之際契闊於矢石之間登鋒履危志存靜亂及方難既夷身膺高賞受胙河山與國升降六十之年寵靈已極觀其立功足明機運豈容僥倖更邀非望者乎且於時國家士馬屯積京南跨州連鎮勢侔雲岳主將驍雄按鉞在所莫不殉忠死難効節奉時比之不可生心白曜足知之矣況潛逆阻兵營岱厭亂加以王師仍舉州郡屠裂齊民勞止神膳俱喪亡燼之衆

不可與圖存離敗之民不可與語勇哉白曜果毅習戎體嫻兵勢寧不知士民之不可藉將士之不同已據強兵之勢因塗炭之民而欲立非常之事此愚夫之所弗為也料此推之事可知矣伏惟陛下聖鑒自天仁孝宰世風冠宇宙道超百王開國以來諸有罪犯極刑不得骸骨者悉聽收葬大造之恩振古未有而白曜人舊功高嬰禍淪覆名滅國除爵命無紹天下衆庶咸共哀憐方之餘流應有差異願陛下揚日月之光明勲臣之績

欽定四庫全書

歷代名臣奏議
卷二百八十三

三

垂天地之施慰僵屍之魂使合棺定諡歿有餘稱選其宗近才堪驅策錫以微爵繼其絕世進可以獎勸將來退可以顯國恩澤使存者荷莫大之恩死者受骨肉之惠豈不美哉仰惟聖明霈然昭覽狂瞽之言伏待刑憲高祖覽表嘉愍之

唐太宗貞觀十一年行幸過漢太尉楊震墓傷其以忠非命親為文以祭之僕射房玄齡進曰楊震雖當天枉數百年後方遇聖君停輿駐蹕親降神作此文可謂雖

死猶生沒而不朽使伯起有靈當欣躍於九泉之下矣伏讀天文且感且慰凡百君子可不勗勵名節知為善之效乎

玄宗天寶末張巡死節睢陽人媚其功以為降賊肅宗未及知進士李翰傳巡功狀表上之曰臣聞聖主褒死難之士養死事之孤或親推輜車或追建邑封厚死以慰生撫存以答亡君不遺於臣臣亦不肯其君也自賊臣構亂據維陽引幽朔以吞河南故御史中丞贈揚州

欽定四庫全書

歷代名臣奏議
卷二百八十三

三

大都督張巡忠誼奮發率烏合守雍丘潰賊心腹及魯吳棄甲宛葉哥舒翰敗績潼關賊遂盜神龍鵠峙二京南臨漢江西逼岐雍羣帥列城望風出奔巡守孤城不為却賊欲繞出巡後以擾江淮巡退軍睢陽扼東南咽喉自春訖冬大戰數十小戰數百以弱制強出奇無窮殺馘兇醜凡十餘萬賊不敢越睢陽取江淮江淮以完巡之力也城孤糧盡外救不至猶奮贏起病摧鋒陷堅三軍嗽膚而食知死不叛城陷見執卒無撓詞慢叱兇徒